

五
百
家
註
柳
先
生
集

五

五言古詩卷

欽定四庫全書

五百家註柳先生集卷十

墓誌

唐故中散大夫檢校國子祭酒兼安南都護御史
中丞充安南本管經畧招討處置等使上柱國武
城縣開國男食邑三百戶張公墓誌銘

并序

童曰張公名舟事詳見
本篇注誌銘在永州作

漢光中興馬援雄絕域之志

孫曰漢光武建武十六年
交趾女子徵側反自立為

王十七年以馬援為
伏波將軍往討之

晉武一統陶璜布殊俗之恩

孫曰
晉書

陶璜字世英孫皓時都督交州諸軍事晉武帝因而任之
在南方三十年威恩著于殊俗安南即古交州也故舉

援璜之事理隨德成功與時並今皇帝載新景命

韓曰今皇
帝憲宗也

詩景命有僕
景命明命也

丕冒海隅

童曰書丕冒海隅出
日罔不率俾丕大也

時惟公祗

復厥績交趾之理

韓曰唐安南中都護府本交趾
郡武德五年改曰交州治交趾

續于

前人公諱某

諱舟

字某某郡人也曾祖彥師朝散大夫尚

書駕部郎中祖瑾懷州武德縣令考清朝議郎試大理

寺丞贈右贊善大夫咸有懿美積為餘慶公以忠肅循

其中以文術昭于外推經旨以飾吏事本法理以平人

心始命蘄州蘄春主簿句會敏給

孫曰句會會計也會古外切

厥聲

顯揚仍以左領軍衛兵曹為安南經畧巡官申固扞衛

有聞彰徹轉金吾衛判官三厯御史績用弘大揚于天

庭加檢校尚書禮部員外郎換山南東道節度判官復

轉郎中為安南副都護賜紫金魚袋充經畧副使遷檢

校太子右庶子兼安南都護御史中丞充本管經畧招

討處置等使

韓曰史元和元年四月舟自安南經畧副使充本管都護

公自為吏

補注

即上所言為安南巡官副使云云

習於海邦凡其比較勤勞利澤長久

去之則夷獠復亂

孫曰去謂為山南東道節度判官獠西南夷名○獠魯皓切又竹巧切

復至而寇攘順化及受命專征得陳嘉謩誓拔禍本納

於夷軌乃命一其貢奉平其斂施收人盡區處之方制

國備刑體之法道阻而通百貨地偏而具五人儲侍委

積

侍待也孫曰周禮門闕之委積以待施惠委積牢米薪芻之總名儲音除侍直里切羽獵賦音堆委於偽

切積子

師旅無庚癸之呼

韓曰哀十三年左氏吳申叔儀乞糴于公孫有山氏

智切

對曰若登首山以呼曰庚癸乎則繕完板榦

童曰榦築垣之板也

諾注云庚西方主穀癸北方主水

控帶兼戎已之位

韓曰西域志漢元帝初元元年置戌已二校尉注戌已中央鎮覆四方

文單環王

韓曰單虜姓可單氏後改為單氏孫曰文單即陸真臘一曰波鏤環王本林邑一曰占不

勞一曰占波

怙力背義公於是陸聯長轂

童曰長轂戰車

海合

○單都寒切

朦朧

孫曰朦朧戰船所以突敵者蒙衝二音

再舉而克殄其徒

孫曰元和四年八月

環王寇安南舟敗其衆三千

廓地數圻

補注圻千里地春秋傳今大國

人獲戰象并王子五十九人

多數圻矣○圻音

以歸於我理烏蠻首帥負險蔑德公

祈數字一本作故

於是外申皇威旁達明信一動而悉朝其長取州二十

以被於華風易皮弁以冠帶化姦宄為誠敬皆用周禮

率由漢儀公患浮海之役可濟可覆而無所恃乃剗連

烏

童曰連烏疑是山名。剗音枯。

以闢坦途鬼工來并人力罕用沃日

之大

童曰沃日之大海也。

束成通溝摩霄之阻砮為高岸

童曰砮毀也周

官有砮蒺氏音昔又丑列切

而終古蒙利公患疆場之制一彼一此

而不可常乃復銅柱

孫曰廣州記馬援到交趾立銅柱為漢之極界舟復之韓曰馬總充

安南都護夷獠便之乃於漢所立銅柱處以銅一千五百斤特鑄二柱刻書唐德以繼伏波之迹以此誌觀之

則張公亦嘗有是作特史不書耳

為正制鼓鑄既施精堅是立固圉之

下

童曰國邊陲左氏傳亦聊以固我圉也

明若白黑易野之守

孫曰周禮險野以人

為主易野以車為主此言
雖易而險也○易以致切
險逾丘陵而萬世無虞奇琛

良貨

韓曰爾雅琛寶也○琛丑林切

溢於王府

孫曰周禮王府掌王之金玉玩好兵器凡良貨

賄之藏今本皆作王府

殊俗異類盈於藁街

孫曰漢書陳湯傳郅支縣頭藁街藁街街

名蠻夷邸在此邸若唐鴻臚客館三輔黃圖云藁街在長安城門內韓曰魏都賦云藁街之邸不能及注藁街邸蠻夷之館漢時所立也優詔累旌其忠良太史嗣書其功烈就加

國子祭酒封武城男食邑三百戶凡再策勲

孫曰桓三年左氏反

行欽至舍爵策勲言書勲于策紀有功也

至上柱國三增秩至中散大夫某

年月薨于位年若干天子震悼傷辭有加

童曰傷辭謂贈策也明

年其孤某官與宗人號奉裳帷率其家老咨于叔父延

唐令某卜宅于潭州某原童曰孔子曰卜其宅兆宅墓也葬用某月某

日人謀皆從龜兆襲吉韓曰書龜筮協從卜不習吉注云習因也今作襲亦因也乃

刻茲石著公之閔以志于丘窆童曰窆空墳也周禮大喪甫窆音釧又充為切

以告于幽明銘曰

周限荆衡韓曰荆衡之地在周非其所秦開百粵韓曰秦始

皇并天下分為三十六郡平百粵又置交州之治炎劉

是設孫曰漢武帝元鼎元年德大來服道消自絕伏波

定越地以為交趾郡

南征見上注漢威載烈宛陵北附孫曰孫皓降晉手書敕璜歸順晉武帝封璜為

侯宛陵晉政爰發我唐流澤光于有截童曰詩海外有截注云四海之外截

爾整齊皇帝中興武城授鉞孫曰言舟為都護也肅肅武城惟夫之

哲童曰詩哲夫成城更厯毗贊孫曰言舟為巡官副使也顯揚彰徹既受休

命秉茲峻節度其謀猷守以廉潔厚農薄征匪貊匪桀

韓曰孟子欲輕之于堯舜之道者大貊小貊也欲重之于堯舜之道者大桀小桀也注貊夷貊之人在荒服者

二十而取一通商平貨有來胥悅踐山跨海堅其鸛列

○貊音陌韓曰列子必無盛鸛列於制器足兵潰茲蟻結童曰蟻結言小

麗難之間注鸛列陳兵也

寇如蟻聚也禮
蟻結于四隅

烏蠻屈服文單剪滅柔遠開疆會朝天

闕銅桐乃復環山以碧

孫曰齊語環山於有牢環繞也碧摘墮也○碧救列切

海無

溝迂

音牛又音忤

寇罔踰越琛賁之獻

賁徐刃切亦作贖同

周于窮髮

孫曰莊子窮髮之北窮髮不毛之地

帝嘉成德載旌茂閎增秩策勲土封

斯裂位厄元侯年虧大耋

孫曰易大耋之嗟凶說文年八十曰耋○耋音迭

邦

人號呼夷裔悽咽卜葬長沙連岡啟穴書銘薦辭德音

罔缺

唐故邕管經畧招討等使朝散大夫持都督邕州

諸軍事守邕州刺史兼御史中丞賜紫金魚袋李

公墓誌銘 并序

公諱某

諱

字某實惟文皇帝之玄孫

太宗初謚
大皇帝

別子曰

承乾

別筆
列切

為皇太子以藩愛逼奪危慄致禍後封恒山

為愍王贈荊州大都督

孫曰太宗長子承乾武德三年
封恒山王九年立為皇太子貞

觀中魏王泰有寵於上潛有奪嫡之意七月
廢承乾為庶人天寶中復故封謚曰愍王

繼別曰象

蘄春郡太守贈越州大都督封郇國公太宗曰玼

韓禮記

別子為祖繼別為宗繼稱者為小宗注曰別子為公子
始來在此國者後世以為祖又曰繼別為宗者別子之

世適也族人尊之謂之大宗是宗子也又曰繼禰為小宗者父之適也兄弟尊之謂之小宗誌謂別子曰承乾繼別曰象大宗曰玼以是推之可考矣。玼太子詹事步田毗賓二切說文云玼珠也夏書作璆

贈秘書監生虞

翼二音

尚書左丞凡四代有土田居貴仕

公丕承之以率南服克荷天休繼有功德公始以通經

入崇文館

孫曰唐崇文館學生二十人課送舉試如弘文館

登有司第選同州

叅軍入佐金吾衛

孫曰貞元十九年十一月以振武節度使范希朝為右金吾大將軍奏位

佐其府

進太僕主簿參引大駕府移為左右神策行營兵

馬節度以為推官

孫曰貞元元年五月以希朝為左右神策京西諸城鎮行營兵馬節度使

鎮奏天復奏
位為府推官

拜監察御史賜緋魚袋凡二使其率皆范

司空希朝

率將帥也
字與帥同

進殿中侍御史湖南都團練判官

孫曰永貞元年十一月以御史大夫薛
革為湖南都團練使革辟位為判官

以寬通簡大輔

治得中道府遷主後事師人愛慕欲以貞元故事為請

公恐懼扣留復徙浙東為都團練副使

孫曰元和三年
正月革自湖南

遷浙東轉侍御史又徙浙西

一本二徙
字並作從

如其職

孫曰五年
八月革遷

仍以位
為副使

加著作郎凡三使其率皆薛大夫革刺岳信二

州得劉向秘書以能卒化黃白

韓曰劉向傳淮南有枕
中鴻寶苑秘書言神仙

使鬼物為金之術向幼而讀書以為奇獻之言黃金可成上今典尚方鑄作事

日召徒試術為

仇家上變就鞫無事勅答殺告者猶降建州司馬

孫曰位為

信州刺史好黃老道教禱祠部將韋岳告位集方士圖不軌洪州監軍高昌奏位謀大逆追捕位勅禁中薛存誠孔戣一日三表請付御史臺詔戣與三司雜治無反狀岳坐誣罔誅貶位建州司馬詔曰信州刺史李位心希秘術跡狎匪人謂捕影之可求乃先風之是點名教之內本無異端典刑之中豈容僻好可守建州司馬云

陟刺泉州會烏獬夷

張曰獬字諸韻無疑是獬楚詞猛犬猶信烏獬犬戎也獬牛佳牛巾二切

韓曰考之史傳蓋是烏獬烏獬黃洞蠻也

刺殺郡吏毆縛

○一本作會烏獬夷叛即無下刺字
農民詔以公都督邕州兼御史中丞賜紫金魚袋為經

畧招討使既至則鼓弓橐甲

童曰鼓弓衣橐囊也所以藏甲鼓與鼓同它乃切橐

託音

去斥候禁部內無敢以賊名使得自濯濯

濯胡管切

諸酋

長咸頃首送款故虜獲輸稅奉貢願比內郡人遣子吏

都督所

韓曰言為吏於都督所也

人復耕稼無有威刑居五月頃有

黑螭鼓江

童曰螭狀似龍而無角螭音癡

流壞北岸直城南門覆船殺

人然後去父老泣曰吾公其殆矣嘗合汞流黃丹砂為

紫丹

童曰說文云汞舟砂所化為水銀也汞胡貢切與頃同

能入火不動以為神

服之且十年然卒以是病暴下赤黑數日薨實元和十